

Paka mwerevu

Ursula Nafula

Kiswahili






Katika kijiji chetu
panaishi Bwana Kiio.

Bwana Kiio ana paka wa
madoa meusi na meupe
kwa jina Safi.

Bwana Kiio anapoenda
kazini, anaacha mlango
wazi.






Safi anakaa katikati ya
mlango na kuilinda
nyumba ya Bwana Kiio.

Mbwa wa jirani
akikaribia, Safi
anamkodolea macho na
kumunyooshea kucha
zake.





Mbwa anatoroka na
kurudi kwao.

Jirani akitokezea, Safi
yu tayari kumkwaruza.







Jirani anageuka mbio na
kwenda zake.



Safi akihisi njaa,
anafunga mlango kwa
kuusukuma.

Anaingia ndani na kula
chakula chake.





Safi akimaliza, anaruka
juu ya sofa na kulala.

Unachosikia ni: Purr!
Purr! Purr!

Bwana Kiio akiwasili,
Safi hujinyoosha kwa
furaha na kumkaribisha
nyumbani.





Bwana Kiio na Safi
wanaketi karibu na
moto kila mmoja
akisoma gazeti.

Paka mwerevu

Writer: Ursula Nafula

Illustration: Catherine Groenewald

Language: Kiswahili



© African Storybook Initiative



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative